

渭南縣志卷之九

邑令蜀鹽亭岳冠華子賓纂修

人物志

地以人勝人以地傑渭邑山川毓秀代產偉人勳烈儒林則有若名臣宦業則有若忠節孝義文苑武功則有若儀刑一時師表百世皆足動人景仰而隱逸寓賢清風亮節又何其曼莫與京也至於篤行之士悉有餘慶卽方技者流雖曰小道寧可泯沒無傳乎故品其類而第列之俾聞風者知所

渭南縣志

卷之九 人物

興起云述人物志

勲烈

唐張仁愿

下邳人有文武材武后時累遷殿中侍御

為皇太子激仁愿以辨章仁愿正色拒之通天中  
勅中丞孫承景虛列為虜級貶承景以仁愿代神  
龍中進左屯衛大將軍兼檢校維州長史會穀  
貴多盜仁愿一切捕殺畿甸震懾無敢犯三年  
朔方軍總管沙吒忠義為突厥所敗詔仁愿攝  
御史大夫代之既至賊已去引兵踵擊夜掩其  
營破之始朔方軍與突厥以河為界時默啜悉  
無西擊仁愿請乘虛取漠南地於河北築三受  
降城絕虜路中宗從之六旬而就斥地三百里  
置烽墩千八百所自是突厥不敢踰山牧馬歲  
損費億計戒鎮兵數萬初建三城也不置壅門  
或曰邊城無守備可乎仁愿曰兵貴攻取賤退

守寇至當併力出師... 後常元楷代為總管... 而輕元楷景龍二年... 下三品封韓國公... 贈太子少保仁厚... 賁罰必當後人思... 焉宰相文武兼者... 振唐休璟仁厚... 王忠嗣海濱子當海濱戰死時忠嗣才九歲始名

養禁中肅宗為忠王帝使與遊及長雄毅有武略論兵應對蠡起帝器之試守代州別駕大獵歛跡數以輕騎出塞忠王言於帝召還蕭嵩出河西引為麾下乃請精銳數百襲虜會贊普大首閱式鬱標川忠嗣略陣斬數千人獲羊馬萬計嵩上其功累遷左威衛將軍代北都督封清源縣男河西節度使杜希望欲取吐蕃新羅城奏忠嗣才詔遣赴河西進拔其城受左威衛即

渭南縣志

卷之九 人物

二

將轉知兵馬俄吐蕃大出衆不敵舉軍皆恐忠嗣單騎進殺數百人賊衆囂相蹂虜大敗拜左金吾衛將軍領六同節度使天寶元年北討奚怒戰桑乾河耀武漠北高會而還時突厥有難忠嗣進軍積日略之烏蘇米施可汗請降忠嗣營木剌蘭山深虛實因上平戎十八策涉昆水斬木施可汗衆大同靜邊二城徙清塞橫野軍實之併受降振武為一城自是虜不敢盜塞徙河東節度使進封縣公忠嗣本負勇敢及為將獨持重不欲踰中國力以幸功各故訓練士馬隨闕繕補軍中士氣日盛忠嗣時出奇兵襲敵所向無不克士亦樂為用自朔方至雲中數千里據要險築城壑斥地甚遠俄為河西隴節度使權朔方河東佩四將印勁兵重地控制萬里後數出戰青海積石虜帳奔破又討吐谷渾於墨離平其國帝方事石堡城詔問攻取計忠嗣言吐蕃舉國守之若頰兵堅城下必費上數萬恐得不剛失請利兵馬待釁取之帝不快而

李林甫充忌其功日鉤據過咎會董延光請下  
石堡詔忠嗣分兵應接忠嗣不得已為出軍而  
上無賞格延光不悅河西兵馬使李光弼說曰  
大夫雖各受詔實奪其謀然已付萬衆而不立  
重賞何以賈士勇有如不捷先受禍矣忠嗣曰  
吾固審得城不足制敵失之未害於國吾忍以  
數萬命易一官哉延光果訴忠嗣沮兵又安祿  
山扼飛狐塞謀亂請忠嗣助役忠嗣不見數上  
言祿山且亂林甫益惡之陰使人誣告忠嗣欲  
奉太子帝怒付三司訊驗罪應死哥舒翰方有  
寵白上請以官爵贖忠嗣罪帝意解貶漢陽太  
守久之徙漢東郡卒年四十五後舒翰引兵攻  
石堡拔之死亡略盡如忠嗣言故當世號為名  
將存朔方互市輒高償馬直諸蕃爭市蕃馬寢  
少及鎮河隴又請徙朔方河東九千騎以實軍  
迄天寶益滋息寶應元年追贈兵部尚書今祀  
鄉賢祠

渭南縣志

卷之九

人物

三

宋寇準

字平仲湘子少英邁通春秋三傳年十六太  
宗幸魏準以父陷蕃上書行在辭色激昂太

宗壯之三年舉進士太宗取人年少者往往罷  
或教準增年荅曰準方進取可欺君邪及中第  
太宗知其名授大理評事出知巴東手植雙栢  
民以比甘棠累遷殿中丞會詔百官言事準極  
陳利害太宗益器重之擢樞密院直學士判吏  
部東銓嘗奏事殿中語不合帝怒起準輒引帝  
衣令帝復坐事決乃退上由是嘉之曰朕得寇  
準猶文皇之得魏徵也後大旱太宗問時政得  
失衆以天數對準曰洪範天人之際應若影響  
大旱之證刑不平也太宗問故準曰願召二府  
言之二府入準曰頃者祖吉王淮皆侮法受賊  
言賊少乃伏誅淮盜主守財至千萬止杖仍復  
其官法豈平邪太宗喜拜準左諫議大夫樞密副使  
其暮大雨太宗喜拜準左諫議大夫樞密副使  
改同知院事準性忠亮喜直諫無顧避時人語  
曰寇準上殿百僚股慄時太宗在位久未立儲

貳以問準準曰陛下爲天下擇君謀及婦人中官不可謀及近臣不可唯求所以副天下望者帝曰襄王可乎準曰知子莫若父願卽定遂以襄王爲皇太子京師人擁道喜曰少年天子也帝聞之不懌召準謂曰人心遽屬太子置我何地準再拜賀曰此社稷之福也帝入語后嬪宮中皆前賀復出延準劇飲盡歡而罷真宗卽位遷尙書工部侍郎帝久欲相準患其剛直難獨任以畢士安參知政事踰月並命同中書門下平章事是時契丹內寇縱游騎徜徉無闕意準曰是徃我也請練師命將簡驍銳據要害以備之是冬契丹果大入急書一夕凡五至準不發飲笑自如明日以聞帝大駭問準準曰陛下欲了此不過王日爾因請帝幸澶州同列懼欲退準止之令候駕起帝難之欲還內準口陛下入則臣不得見大事去矣請毋還而行帝乃議親征召群臣問方畧參知政事王欽若江南人請幸金陵陳堯叟蜀人請幸成都帝問準準心知二人謀乃陽曰誰爲陛下畫此策者罪可誅也今陛下神武將臣協和若大駕親征賊自當遁不然出奇以撓其謀堅守以老其師勞佚之勢我得勝筭矣且財用甲兵聚於京師宗廟社稷所寄陛下當與臣等死守今一旦棄去非復陛下所有若賊乘勢深入陛下當何歸乎帝喟然遂決計幸澶州及至南城契丹兵方盛衆請駐蹕以覘軍勢準曰陛下不過河則人心益危敵氣未懾非所以取威決勝也帝遂渡河御北城門樓遠近望見御蓋踴躍歡呼聲聞數十里契丹相視驚愕不能成列準承制專決號令明肅敵數千騎乘勝薄城下詔士卒迎擊斬獲大半敵引去上還行宮留準居城上徐使人視準何爲準方與楊億飲博歌謔懽呼或就寢則鼻息如雷帝喜曰準如此吾復何憂契丹計索始請和準不從而使者請益恭帝以問準準曰如用臣策可百年無事不然恐四五十年後戎且生心矣會有諧準幸兵以自取重者準不得已許

之帝遣曹利用如虜議歲幣曰百萬以下皆可許也準召利用語曰雖有牧汝所許毋過三十萬過則吾斬汝矣利用至時契丹已疲又懼大兵扼其歸路見利用至甚喜卒以三十萬成約而還自是南北弭兵準之力也當次澶淵時真宗語準何人可為朕守魏者準曰臣觀參政王欽若福祿未艾可為守於景邱召欽若授勅欽若茫然自失未及有言準曰主上親征非臣子辭難之日欽若驚懼不敢辭馳入魏戍虜蒲野無以為計但屯塞四門終日危坐越數日虜退召為次相或云欽若數進疑辭故準因事出之以成勝敵之績耳欽若由是蓋恨準思有以傾之次二年加中書侍郎兼工部尚書準於澶淵之功帝亦待準甚厚一日會朝準先退帝目送之欽若因進曰陛下敬寇準為有社稷功邪帝曰然欽若曰澶淵之役陛下不耻而謂準社稷功何也帝愕然曰何故欽若曰城下之盟春秋恥之澶淵之舉城下之盟也以萬乘之貴為城

下之盟何耻如之帝愀然不悅欽若曰陛下聞博乎博者罄所有出之謂之孤注陛下寇準孤注也危矣由是帝顧準寢寢冀明年罷為刑部尚書知峽州天禧元年改山南東道節度使時巡檢朱能詐為天書上以問王旦且曰始不信天書者準也今天書降準所當合準上之則百姓不敢不信上從之使中貴人逼準準始不肯準婿王曙固要準始上其書遂拜中書侍郎兼吏部尚書同平章事景靈宮使三年祀南郊進尚書右僕射集賢殿大學士特真宗疾劉太后預政準請問曰皇太子人屬望願陛下思宗廟之重傳以神器擇方正人臣為羽翼丁謂雖惟演佞人也不可以輔少主帝然之準密令翰林學士楊億草表請太子監國且欲援廣文殿故事罷為太子太傅封萊國公尋降為太師知開封府徙安州既道州司馬帝初不拜也他日謂左右曰吾久不見寇準何也其見重如此無何貶雷州司戶參軍初準所樂善了謂耕放之

皆出其門謂至參政事準甚謹嘗會食羨河  
準鬚謂起徐拂之準笑曰參政國之大臣乃為  
長官拂鬚邪謂甚愧之由是隙構日深竟誣準  
朋黨貶之未幾謂亦南竄天聖元年徙衡州司  
馬初太宗得通天犀帶以賜準及是遣人取自  
雒中沐浴具朝服束帶北面拜就榻而卒歸葬  
西京人皆設祭哭于路折竹植地掛紙錢焚之  
逾月枯竹盡生笋衆因爲立廟號竹林冠公祠  
歲時享之初張詠在成都聞準入相謂僚屬曰  
寇公奇材惜學術不足爾及準出陝詠適自成  
都還準供張待詠將去準送之郊問曰何以教  
準詠徐曰霍光傳不可不讀準莫論其奇歸取  
讀之至不學無術笑曰此張公謂我矣準初為  
樞密直學士賞賜金帛甚厚盡散宗室故舊終  
身不蓄財產不置私第外奢內儉無聲色之娛  
處士魏野贈準詩曰有官居爵無地起樓臺  
準歿後復太子太傅贈中書令萊國公後又賜  
諡曰忠愍皇祐中詔翰林學士孫抃撰神道碑

渭南縣志

卷之九

人物

六

帝為篆其首曰旌忠今祀鄉賢祠準無子以從  
子隨嗣勳介有履行終於殿中丞隨子謹贊善  
大夫誦誠皆  
大理評事

名臣

漢翟公

下邳人舉宏茂異等為廷尉賓客填門及廢  
明外可設雀羅翟公復為廷尉賓客欲往翟  
公公大署其門曰一死一生乃知交情一  
貧一富乃知交態一貴一賤交情乃見

王丹

字仲回下邳人哀平時仕州郡王莽連徵不  
至家累千金隱居好施每農時載酒肴田間  
勞勤者望媪者耻不致其輕黠游蕩輩輒曉其  
父兄使責之歿者賻之且為將護故喪家咸待  
丹為辦行十餘年其化大洽風俗以篤丹資性  
方潔疾惡彊豪時河南守陳遵欲結交丹指不  
許會前將軍鄧禹西征軍糧之丹率宗族上麥  
二千斛禹表丹領左馬翊稱疾免歸徵為太子

少傅大司徒侯霸亦欲交友丹亦不許嘗曰道之難未易言也客有薦士於丹者因舉之後舉者陷罪丹坐免客慙懼自絕丹終無言尋復徵為太子太傅乃謂客曰子之自絕何量丹之導也相待如舊後遜位卒于家

唐姚南仲

補關獨孤皇后崩代宗詔進城為凌以朝久論聖南仲上疏諫之帝嘉納進五品階以蘇讓言擢殿中侍御史內供奉四遷為御史中丞改給事中陝虢觀察使拜義成節度使監軍薛盈珍恃權撓政不能退因毀南仲於朝德宗感之俄遣小使程務盈誣表以罪會南仲裨將曹文洽入奏知其語長夜追至長樂驛殺務盈投其誣于測為二書一抵南仲一暴南仲寃具言殺務盈狀乃自殺驛吏以聞帝駭異南仲不自安固請入朝帝勞曰盈珍繞卿政邪曰不撓臣政臣隳陛下法耳如盈珍輩所在有之雖使羊

渭南縣志

卷之九人節

杜復生撫百姓御三軍必不能成愷梯之化而正師律帝默然乃授尚書右僕射卒年七十五贈太子太保謚曰貞

白鏗

下邳人其先太原人高祖建北齊五年尚書第六子從家下邳幼好學善屬文年十七明經及第授鹿邑尉歷雒陽主簿酸棗令羅殿中侍御史賜緋魚袋文渭臺節度參謀再授華令皆以清直靜理開于五人李度袁州別駕李殷沛令季軫許昌令季寧河

白季庚

鍾長子天寶末以明經授蒲山尉歷宋州說刺史李洵守城有功超授朝散大夫東州別駕賜緋魚袋仍充徐泗觀察判官貞元初進加檢較大理少卿仍知徐州事秩滿改朝奉大夫檢較大理少卿兼襄州別駕卒累贈刑部尚書

右僕射

白居易

字樂天季庚仲子敏悟工文章顧况見其

中擢進士拔萃補較書郎元和初對策調監  
屋尉召為翰林學士遷左拾遺會早甚即建言  
乞盡免江淮賦以收流瘠河東王鐸將加平章  
事居易奏宰相天下具瞻非重望不可任鐸誅  
求百計所得財號羨餘以獻若假以名器皆謂  
陛下得所獻與宰相誰不爭袁割生人以求所  
欲事一失豈可復追有囚繫閩鄉獄更三赦不  
得原又奏言交死子繫夫繫妻塚債無償期禁  
無休日請一切免之會王承宗叛帝詔吐突承  
瑊率師出討居易諫唐家制度每征伐專委將  
帥今以承瑊為制恐四方聞之必輕朝廷后世  
且傳中人為制將自陛下始帝不聽既而兵老  
不決居易上言不亟罷日有四害會承宗請罪  
兵遂罷後對殿中論執彊鯁帝變色謂李絳曰

渭南縣志

卷之九

人物

八

是子乃敢爾必斥之絳曰陛下啓言者路放辟  
臣敢論得失若黜之是箝其口使自為謀也帝  
悟待之如初歲滿遷學士兼京兆戶曹參軍尋  
拜左贊善大夫是時盜殺武元衛京都震擾居  
易上疏請亟捕賊刷朝廷耻宰相嫌其出位出  
為州刺史久之入為主客郎中知制誥穆宗好  
畋游獻續虞人箴以諷俄轉中書合人會河朔  
亂合諸道兵出討無功居易上言兵多則難用  
將衆則不一李光顏久將有威名裴度為人忠  
勇可當一面無若二人者不報遷為杭州刺史  
築堤捍錢塘溉田千頃復浚李泌六井民賴其  
汲久之以太子左庶子分司東都復拜蘇州刺  
史病免文宗立召遷刑部進馬翊縣侯會昌初  
以刑部尚書致仕卒年七十五贈尚書右僕射  
居易被遇憲宗事無不言多見聽然為當路所  
忌蘊不能施既復用益不合輒病去與弟行簡  
敏中友愛于履道里疏一沼種樹構石樓香山鑿  
八節灘號醉吟先生自為傳稱香山居士嘗與



同郡高年不仕者八人燕集人慕之繪為九老圖居易文章精切最工詩頗規諷得失鷄林行賈售其國相率篇易一金初與元稹酬詠號元白又與劉禹錫齊名號劉白謚曰文今祀鄉賢祠

自行簡

字知退居易弟擢進士授左拾遺累遷主客員外郎代韋詞判度支案進膳部郎中

長慶時振武營田使賀拔志歲終課最詔行簡閱實發其妄志懼自刺行簡敏而有辭後學多慕尚焉今祀鄉賢祠姪晦之舉進士晦之有兄二味道盧州巢縣丞景回淄州司兵參軍

白敏中

字用晦季康子少孤承學諸兄長慶初第進士辟義成節度使李聽府遷右拾遺改

殿中侍御史為符澈邠寧副使以能政聞中丞高元裕薦為侍御史宰相李德裕薦敏中文詞類兄居易而有器識即日知制誥召入翰林學士進承旨宣宗立以兵部侍郎同中書門下平

渭南縣志

卷之九 人物

九

章事遷中書侍郎兼刑部尚書封太原郡公崔鉉輔政欲專任患敏中居右會党項敏寇邊鉉言宜得大臣鎮撫天子乃命敏中以原職兼邠寧節度招撫制置使及行帝御安福樓錢頒璽書諭慰賜通天帶衛以神策兵開府辟士禮如裴度討淮西時次寧州諸將已破羗賊敏中即諭眾棄兵為業乃自南山並河按屯保回繞千里又規蕭關通靈威路使為耕戰且踰年檢較司徒徙劍南西川治蜀五年以勞績加兼太子太師徙荆南懿宗立召拜司徒門下侍郎還平章事數月足病不任謁固求避位不許中使勞問世對別殿身拜未幾加中書令咸通中南蠻擾邊召敏中入議許拔扶升殿固求免許以太傅致仕卒贈太尉今祀鄉賢祠

宋宋璠

字實臣本縣人父鸞監察御史璠乾德中進士及第解褐青城主簿好寫書後滿載數千

卷以歸調下即主簿擢著作佐郎知綿州太宗即位改右贊善大夫為峽州轉運副使代還召

對賜排魚復出知秦州有善政就拜監察御史  
充陝西轉運使復知秦州上以當累有治績賜  
錢五十萬再命知秦州安集諸戎部內清肅雍  
熙初轉比部員外郎六年召歸面賜金紫授度  
支判官俄遷屯田郎中知益州屬歲饑多盜當  
擒捕招緝盜皆屏息端拱初以當為西川轉運  
運使加左諫議大夫改知陝州淳化中三吳歲  
饑命當知蘇州當性清簡歷官三十年未嘗問  
家事雅聚書以貽子孫云子明遠舉進士初當  
卒於蘇州時太宗聞而嗟悼之乃錄明遠為蒲  
城主簿俾護其喪歸葬焉後明遠官至都官員  
外郎弟彖遠舉進士及第垂遠官至閣門祇候  
元薛榮 子君英臨渭里人元真初以陝西行省薦補  
通事尋授從事郎擢御史臺譯史選授承直  
郎陝西行省都事遷奉直大夫興元路判官督  
修棧道有功陞奉議大夫西和知州綽有政聲  
三年累陞正議大夫陝西漢中  
道廉訪使尋陞工部尚書致仕

渭南縣志

卷之九 人物

高脫台普花

叢桂里人至元初舉賢良累官兵部  
尚書洪武元年太祖兵至燕元順帝  
北如上都脫台普花從之後大兵克上都襲應  
昌府脫台普花不知所終今墳在西周村東人  
猶稱高尙  
書墳云

明盧敏

韓馬里人洪武四年舉人永樂中任刑科給  
事中與嚴信建言民情事獲罪充戍洪武元  
年詔宥為民今子孫  
微顧不詳建言事實

孫弘

慶寺里人魁岸亢爽有才識宣德中舉丁鄉  
歷肥鄉雒陽今政績卓異累陞太僕卿以迎  
英皇駕陞工部右侍郎尋改吏部左侍郎人言  
不亨所薦第弘實無求于亨亦未嘗為亨用也  
未幾亨敗以里閏故罷為大理通判當在洛陽  
時宦汪直攝巡經兩河所在亡不望風靡老弘  
獨抗不少屈且詆譖調笑旁若無人直反解顏  
禮焉若弘者殆亦卓犖不恒之士且長于應變

者云

**裴斐**

字成章臨渭里人性敏好學穎雋偉正統中鄉試第八人天順初選授福建道監察御史立朝有風裁出按遼陽將領震肅士卒悅服亡何陞湖廣按察司僉事未幾告歸為人坦夷不修邊幅敏於吟咏與鄉人處和易可親人愈益尊且禮焉終其身無有怨者其儻爽襟度迄今稱之

**鄭弘**

字道熙西關里人天性敦朴家貧好學第屬文平實成化丙午春道熙夢立山峰上有惡鳥如鴟繞其巔道熙舉手擲之鳥即聳身化為五文禽比入棘闈試官置弗取即寢夢朱衣人謂曰此生當連第何弗取試官覺以為異取之比會試又夢立城外俯見城內人覺語人人曰大人也中矣既而關西連第者止道熙一人其後歷官行人選授監察御史尋陞浙江布政司

渭南縣志

卷之九 人物

十一

右叅議歷官以清謹稱無何致仕歸進階中順大夫卒年七十有二弘生平儉約處鄉益敦睦入里開恒徒步垂老無失德至今後輩言淳篤君子者必稱鄭先生

**劉鳳池**

字文甫郭許里人魁體莫質侗儻不群初下帷受書一過成誦為文耻守時轍每操

觚皆秦漢語好為詩賦又好讀司馬孫子諸書人或以迂誚之鳳池乃昂昂不顧恒曰丈夫固當為國家樹奇功封侯佩印亦分耳安能碌碌自泯也為學官弟子會肅皇帝行選貢法得超次就學國子中順天鄉試七人成進士高第聲稱遍轂下歷試高平章印二邑時邊事未萌乃獨繕城池教武勇士氣聿振又著兵略十數篇以見志尋陞工部主事無何比虜果深入朝議亟求韜略士太宰許公知其才奏改兵部職方贊畫宣大軍務諸將士多受成筭嘗率衆出塞行數百里虜遁去大獵而還未幾徵還却俄而北虜復入復以鳳池往事定復還鳳池既負文

武才名事事又多超出常調會考察內諸司  
以妬口謫未幾以疾終識者惜之所著有東陵  
集文在班馬間詩漢魏  
盛唐間刻在西安郡中

薛騰蛟

字時化父封公權先是丞和城驛生蛟于

午舉鄉試五人明年成進士授長治合長治附  
潞郡軍民雜處宗藩豪右不可問蛟定官方均  
賦役振廢墜恤鰥寡政平民阜御史大夫王公  
廷相故潞人其族有編氓見蛟長揖者蛟答之  
加役焉諧於王所蛟不顧富人子鄭餘良張珠  
等當大辟咸以千金行賈人關說蛟執不聽凡  
清廐傳汰里甲蠲苛征定籓祿省幾數萬金竟  
以亢直遷南戶部主事督儲稱平累遷卽中三  
載考恩逮父母踰年有母喪服闋除戶部陞四  
川僉事分巡川東東鄉尹錢若愚貪墨無顧藉  
卽案劾之大盜銅梁朱洪受太平袁廷佐咸負  
固莫能捕者蛟擒之殆盡楚征苗之役蛟監蜀

渭南縣志

卷之九 人物

十二

兵轉饑以時人人用命俘斬七百級捷聞賜白  
金文綺亡何封公沒終制陞山西叅議分治大  
同大同遭悍卒變當事者務爲姑息蛟扶其桀  
驁者一軍肅然已遷副使駐節陽和中丞某庇  
私人多殺無辜蛟數翻異之比右衛被圍急令  
蛟媾解蛟持不可中丞恚甚謂蛟才不且邊郡  
徙內地蛟嘆曰吾骯髒自天性卽內地安往不  
齟齬遂歸不復仕初錦衣叅軍沅鍊以劾分且  
相成邊守備羅鎧阿相意屬得虜間詞連鍊事  
當下蛟勘憚蛟亢直乃屬他人奏上誅鍊等督  
府以下受上賞分宜敗成抵罪蛟不染于辭蛟  
嘗自謂官以亢敗禍以亢免既明且哲蛟以之  
矣神宗上兩宮徽號進階中議大夫贊治尹里  
居垂老不干公府不迂鄉里敦倫篤義輕財好  
施遠邇景慕亡間言獨淫于典籍凡墳索子史  
騷選諸家究其指歸咀其英華於經義多發明  
詩書尤備歸田三十載長治祀蛟名宦享年八  
十有九號南岡著有南岡漫稿經說等書藏于

家今祀鄉賢祠從侄字子敬慶陽教授陸氏  
父爽豁多義氣中式萬曆二十八年武科渭之  
有武舉自莅始授潼關衛鎮撫改授延綏魚河  
堡操守多所條畫軍民共戴精堪與嘗謂相地  
與用兵同著論  
十三篇藏于家

### 孫一正

字格卿封公爵長子質清心慧貌若時至  
十七歲從二南先生遊通小戴禮名冠三  
輔嘉靖庚子薦鄉書癸丑成進士授戶部主事  
以廉能起聲歷陞陞衛輝郡守除彫察閭室廬民  
歌孔邇陞山西副使飭兵井陘既去衛人建祠  
以報尋陞叅政駐汾陽當是時雲朔多警一正  
捐民振伍卓有方略陞河南按察使未幾陞楚  
藩左右布政所至益卓有聲績井陘時藏妖嬪  
之亂蒙賜金幣無何陞順天府尹順天居轂下  
往往合格難治一正振綱剔蠹部內肅清會楚  
巡撫缺員政府楚人也欲一正往以相比昵一  
正婉以水土不宜辭政府衙之遂病免家居有

## 渭南縣志

### 卷之九 人物

十三

勸通刺當塗以冀用者一正曰免官謂何而復  
通刺和咲置之性貞毅不為威利所移姘阿者  
遠之若賦于端人貞士糾糺然締交恐後也且  
篤于孝友視諸姪若子處姻黨睦愛有情又其  
天性非矯也蓋棺後人多慨悼追思  
焉以子叔士書予祭葬今祀鄉賢祠

### 孟重

字汝器東關里人魁岸不羈第刻苦讀書嘉  
靖中以進士授固始合調仁和丁母憂既闋

補滑縣以才著名陞兵部主事歷陞懷慶郡守  
擒妖魁李應乾陞山東按察司副使兵備霸州  
尋陞河南叅政分守大梁復以擒巨盜陞僉都  
御史巡撫上谷會奄酋納款議市重與有功焉  
歷陞兵部右侍郎協理戎政無何有波及重者  
遂回籍聽用數年以疾卒重生平以軼材自許  
頗涉跡弛或以儻蕩議之然處鄉里無城府且  
接引後進如恐弗及亦有足多者占謂上有負  
俗之累而立功名重近之矣有奏議存稿藏于  
家子問孔思孔辨孔俱弟子員以重早逝預家

政不違制舉策制孔就鴻臚慷慨豪邁座客常  
滿陶陶遂遂以壽終思孔光祿丞温恭愷悌好  
施予常輸粟二百石採荒而推蓮勺公從與當  
事豁免關城糧石尤永賴之謨賓御飲辨孔隨  
戎政任諸鞞畧饒騎射授潼關衛指揮尋倦干  
功名杜門卻掃置義塚賑饑荒至式穀教子伯  
仲同符問孔子述虞思孔子希聖辨孔子  
述周皆彬彬膠庠可謂克振家聲者也

**楊光訓**

字汝若封公國富子秀發穎立授書輒悟

丙戌進士高第是時詔闡中錄文無飾而太倉  
王文肅公為政亟賞光訓文錄之無容飾也謁  
選人授南充令下車卽詢利病興廢之不匝月  
民歌孔適亡何兩尊人逝悲號奔歸援琴補闕  
中邑故軍民趾錯公帑縣罄光訓挹損節縮諸  
典學振荒不名民間一錢爰書吏議咸自為狀  
猾胥悉捫指退至辨暱娼斃禎之冤雪以讐作  
盜之誣一時稱神君焉乙未授山東道御史督

渭南縣志

卷之九 人物

十四

課兩淮卽請罷增引復京掣數事鹽政一清又  
發劉世延詐旨騷動江淮卒抵禁錮時三殿災  
上書極陳時政闕失言多批逆尋改巡漕卽奏  
督河督漕當歸併一臣又劾田中秘虛妄魯少  
監遣查之罪卒以勘河功兩徼金帛文綺之賜  
已按東省稅使馬堂以峻刻激亂清源光訓單  
騎往諭罪首事者餘得貸一方安堵復按兩河  
庚疏并罷礦稅備陳蠹國之害時奸人妄奏絕  
壬庫銀百萬上命偕稅監往覈光訓力疏詭譎  
奸人卒斃獄已而長陵明樓災再上修省實政  
言更剴切九年考績遷順天府丞先是光訓痛  
兩尊人祿養不逮宦轍所至卽輿伯母與俱亡  
何值伯母喪遂病謁歸比再入病復作卒于京  
卽綜光訓生平直諫多大節與人交不溢美不  
夙怨期以道義相終始事伯父母如其出至襄  
產周急獎善扶傾種種不可勝數歿之日子諸  
生攀伏闕泣請覃恩綸命天子憫念卒子之詳  
恩錫志中亡何甫襄事攀又卒宣孟無後靡不

飲恨于冥冥焉今祀鄉賢  
祠所著有西臺疏草二卷

孫瑋

字純王京兆尹一正姪生有異徵韶秀望若  
璧人年十三入泮廿一領鄉薦再上公車成

進士授行人司行人封平寧二藩御書幣行取  
兵部給事中尋轉戶科疏彈司禮東廠太監擯  
受民詞中官銜之接家報母病瀕危請告未得  
旨星馳西還冀得一訣而中旨不允以忤旨降  
湖廣桃園縣主簿再貶廣東南雄府推官錮之  
嶺表將終身焉皆中制者為之崇也瑋慷慨行  
畧無芥蒂而風濤之險瘴癘之毒飽履之矣甫  
週歲陞兵部主事尚寶司丞光祿少卿改太僕  
少卿陞太常少卿光祿正卿順天府尹太常正  
卿七載七遷隨推隨點時上靜攝部推多留中  
而瑋得旨較易人人訝之而不知上之知瑋深  
也瑋拊畿南七年擢右都貳戶曹總督倉場疏  
辭温旨慰留陞見上曰孝子以母病罷官者也  
諭公主駟馬曰為孝學孫瑋進犬司馬賜蜚魚

渭南縣志

卷之九 人物

十五

衣襟子入監管都察院左都御史事以勘荆熊

兩臺臣事楚論紛起瑋力辭求去累懇二十四

疏咸蒙温旨瑋求去益堅策蹇至關門蒙俞旨

馳驛還楚人嗾之不已特旨孫瑋留着用起南

太宰轉比大司寇改吏部尚書摠憲以六年考

滿給四代誥命廕襲時婦寺竊權慘及揚左諸

人瑋抱憤成疾而逝上震悼遣大僚代祭贈太

保廕子給棺木價差官造墳護送予祭十壇謚

莊毅甫抵里喬撫羅織疏叅逆瑋主持制奪瑋

一昂夫人南氏伏闕陳情奉旨旋復稽席半平  
純忠盡瘁孝為之本庶不受愧直言敢諫捄荒  
全億萬之衆解羨至十萬之多督倉著挽輪之  
規管察有公平之譽兩遜太宰堅請投閒以名  
分二字定儲皇之位以公勤一疏清是非之原  
大識見大膽力深得大臣之體三

南居仁

字思敦太宰金仲次子也生而穎異質尤  
敦厚十歲能屬文自垂髫試于有司輒第

一每為督學使者所器重獨淹蹇數科至天啓辛酉年三十九始舉于鄉明年捷南宮選庶吉士館試數前以二甲例授翰林編修三年著作之庭代言比古典誥時太宰尚未起家丙寅假藩封持節便道歸省會王夫人喪哀毀盡禮服闋益昵戀太宰膝下太宰起補南戶曹正卿移銓宰踰年中涇病痺越二千里渡江起居手扶板輿歸上書乞終養幸得請家食積有年朝廷破例起陞中允居仁曰吾豈忍以一秩易百年養乎欲以親辭太宰病適少間力遣之行會禮闈分較所得士多四方名雋亡何拜諭德又拜祭酒不數月凡三遷感上恩遇疏奏告士八款又因豫州失守士民半化為賊復疏陳慎選師儒發明節義上似嘉納之又召對平臺陳東事後皆如其言其忠抱石畫灼見情事皆此類也會上臨雍釋奠伏皂成禮畢陞堂坐講諷頌剴切上悅甚賜文錦二襲先是上俞禮官請頌著功令分曹課士居仁素究心掌故諳諸曹典章

敷教積三歲士彬彬有成報命咨部稱選人者繁有徒也上念其勤擢詹事府詹事仍管國子監事詹事宮寮右秩兼以國師尊崇前此未有處之泊如也壬午又疊拜經筵日講朝夕誨納幾忘其盡瘁焉素患脾胃重以太宰久病憂甚益增劇跡再上乞骸骨始蒙允賜金幣馳驛且曰俟病痊起用隨輿疾歸至良鄉疾彌篤留隲月卒年六十上念啓沃勞卹典有加諭祭葬贈禮部右侍郎廕一子方易簣時枚卜輔臣遂無與焉朝論惜之居仁天性孝友太宰以朝典肅家與兄儀部奉庭訓惟謹初太宰官奉嘗以覃恩廕為監曹意不欲以任子終益奮發讀書卒射策甲科父子兄弟同朝海內羨之少失恃繼母王夫人母弟也大義顧復之報永言不置儀部白首為郎意鬱鬱不樂亦十年家食與之棲遲子舍以安兄也至待諸戚黨朋輩及門牆士溫恭接遇貧者藉以舉火緩急力為周旋人歸義焉今祀鄉賢祠所著有適修堂集十卷



張經世字惟才臨渭里人生而器宇軒豁胸懷高曠做秀才時便以第一流人自期許蚤食

縣官餼尋薦為鄉書聯捷朱之蕃榜進士聞母計

奔歸終制授南大理廷評令旬寒署人多易之

世悉心清理獄無冤民尋陞南戶部主政權稅

維揚毫不染指優轉本部正郎未幾擢淮安府

知府父故丁艱在籍起補河南府知府時值修

理福府百方調停居民賴以安堵事竣查鞏雖

助工稅銀三萬並陝西河南協濟銀五萬申請

具題稟免陞副使駐節懷隆捐千金置學田又

捐俸造橋迄今賴之以繼母艱起復兵備易州

按察使廷推填拊宣府尋添註兵部右少司馬

會議奉命行邊督催官兵差御史欽賞回部陞

左侍經筵尋陞協理京營戎政尚書再陞總督

倉場戶部尚書奉恩詔階正二品資政大夫正

治上卿綸命煌煌有經綸濟世品格干霄胸富

甲兵播威名于絕域據筭幃幄表勲業于太常

等語則世之生平大畧可見矣據世起家進士

渭南縣志

卷之九

人物

至地卿中外厥歷者十四所歷之地輒有建豎  
土人德之豐碑去思生祠俎豆蒙欽賞銀幣者  
十二蒙綸命者六恩及三世任及子姓乞骸骨  
温肯慰留者三歸窆之日論祭諭葬崇祀鄉賢  
生榮死哀世兼之矣子志字士伊渾厚寬和絕  
無貴介氣骨尊父執睦族黨每春月出粟周之  
學問淵博文辭朗爽雖以廢人成均而  
搏風駕日在指顧間享年不永惜哉

劉芳

字爾聲下邳里人下邳自平仲先達後無貴

顯者芳家世令德垂髫至立邑郭台維楨即

識之童試時為諸生十五年自握槩就試外足

跡不入城市屢試高等廩于官遂登己酉鄉書

表中即先生最器重之三上春官不第益扇戶  
讀書不預人事孫莊殺稱之曰君矯矯永持足  
卜立朝風概矣丙辰成進士筮仕行人與魏節  
愍大中同寓即以各節道義相砥礪奉使衡鄭  
二藩謝絕筐篚清望蔚起天啓辛酉欽取授湖  
廣道監察御史以覃恩封父如其官母田妻田

繼田皆瑞人芳賦才鎮密積慮平和論事從公  
起見任職以家視國首効遼左諸臣繼陳屯田  
錢法四事皆次第報可至効史輔之奸葉臺山  
馮少墟諸公俱心折焉一時朝論壯之巡視戰  
車廠製器皆先驗貯而後支領巡視北城管九  
門鹽法戢大憝任二等効興販中官任兆元等  
論如法較下肅然巡視廠庫舊例科院分日進  
署奸商叢弊芳叔同日進署議由是奸弊莫施  
巡按直隸督長蘆鹽課摘陳鹽政六款皆切中  
時弊題請通行又疏解鹽法專委解官著為令  
貧竈無累焉山東經白蓮亂兵旱相仍芳出贖  
錢以通驛傳廣賑濟以甦困窮又請免鄒滕七  
邑歲額山左賴以安堵事竣纂修神廟實錄筆  
削惟允考績總憲有威伸破柱力勁回天之衰  
吏垣有丹心捧日正色立朝之語時魏瑞干政  
群小伺釁以危正人方正詔旨之違論陪推之  
點以安魏節愍孫莊毅于楊公連二十四大罪  
疏後特疏繼上權奸奪氣朝廷震焉督學南畿

未竟以內艱歸璫黨羅織例轉四川憲副尋削  
奪璫方列各座削思一甘心思皇卽位璫敗得  
不與楊左同與禍臺省交薦起用還原官補河  
南道御史總憲曹公于汴以芳望重懸河南道  
印以待而璫黨未靖誣以避難下錦衣衛謫潼  
關杜門讀易絕日不關公事惟桑梓憂為惓惓  
朝議起廢不果數年病劇卒芳孝以色養忠而  
盡瘁糾劾不避權貴遇變處之夷然遠聲邑耳  
布素平生飲不至醉教子言不及利奉差節省  
帑金數十萬在官在籍煮粥賑饑全活數萬人  
代輸以蘇里開築堡以集比鄰買學田以贍士  
子立義倉以惠族姓實政厚德舉之不盡崇祀  
御賢誠于俎豆增輝矣

清王襄明

字元輔號豐邱明崇禎丙子舉鄉薦少孤

躬耕以侍慈顏及母見背廬墓終制順治  
十年除授河南南陽府內鄉縣知縣內鄉兵燹  
之餘人民凋瘵開墾招來建學明倫縣治煥然  
一新嗣以績最交薦欽取授陝西道監察御

史又奉命巡視中城並監試春闈嚴除積弊朝譽益隆至十八年改授廣東道監察御史任政未久卒於官孝行政績至今稱頌不衰云

王承祖

字貽雲號嶽生陽曲里人順治丙戌登賢書授福建晉江令甫三月值海寇圍城多方捍禦敵鋒少挫大師來援安堵如故至兵駐泉郡供應浩繁無不咄嗟立辦大吏目為應變長才而於泉郡諸令有獨勞焉邑有大鎮濱海富庶於閩稱最旗校誣與賊通欲掠以利所有祖力為維持事得中止鎮中數十萬生齒賴以保全他如薄賦慎獄興學育才至今晉邑嘖嘖不置口大吏交章薦其賢勞內擢兵部主政歷俸陞員外陞武庫司正郎未幾又改授職方司郎中大司馬王立梁公云吾樞部得人吾曹無庸多慮矣越三年

聖祖仁

皇帝御極補兵科給事中隨轉右給事以母憂回籍服闋補吏科給事己酉典試中州所得皆

渭南縣志

卷之九 人物

十九

知名士魁南宮而登臺省列太史者指不勝屈越五年甲寅補吏科掌印彼時會計群吏凡朝覲監司至都下者皆屏絕不一語通黜陟大典弊竇盡塞而朝政肅然旋奉

旨王

承祖老成端正著內陞遂借補大理丞遷館卿值督捕理事缺奉

旨王

承祖正直遂補右理事官復轉右通政隨轉左踰年遷太常卿常例應轉僉憲越次超遷榮矣

居五日而又由太常轉副憲十八日又遷工部侍郎一月三遷崇秋洵異數云往例少司空惟

錢法是責錢局陋規日奉樣錢二緡祖止留二錢封識書笥以後局中不敢復醜壬戌秋以等星在井鬼當秦分潼關權稅深為民害口奏尋撤去等隨滅辛未總裁武會試甄拔奇岸不詳之士壬申歸里適關中饑祖罄積穀五百石量

親族人口給散賴生全者甚眾四十二年癸未

聖祖西巡眷顧甚隆稱為老人而名

論着肩輿進行宮

御書金箋林泉養素四大字中鋒

御寶以賜丙戌十二月以八十三壽卒祖政績卓卓

奏章盈篋悉視為分內事不喜人傳述然亦不

能備數跡其屢蒙

眷注嘉其老成正直

御書金箋旌問豈尋常賢能循良

得倖邀乎可謂一代偉人焉

宦業

唐白季康

揚州錄事叅軍鱗子初補本縣尉遷河內

卒於官為人溫恭嚴重自尉下邳至宰溧水皆

太原郡公

元石端甫

北志道里人致和中舉茂材異等歷官朝

渭南縣志

卷之九 人物

二十

夫陝西肅政廉訪司副使忠

慎廉介卓有能名時所推重

李誠

字克誠邑人沉靜聰敏日記萬言經史百家

南知事擢尹三原任德緩刑勸農興學除奸宄

察吏弊時大盜不軌發兵殲滅征派倍昔誠量

明賈冕

忠義里人魁體慧質少即好學博古取與一

初以謁選留滯京師時石亨方貴盛延冕教諸

子姪學一日亨謂冕曰明日置酒延吏部飲請

先生見而陪之亨意欲緣此得美除也冕領之

詰朝潛出莫知所向比考列第一授湖廣辰州

府同知瀕行始謁亨辭亨曰先生不肯見吏部

而竟得首選亨武人安識先生欲假驛傳冕亦

固辭於是單騎馳去既履任水操惠政卓冠一

時職故兼造御用磁器中宦督運者故有額外

餘數以便其私冕執不與中宦怒乃誣冕失度  
違期不敬械繫下錦衣獄執法者審知其誣乃  
奏薄其罪紹為編民冕既歸健戶觀書屏絕俗  
務足不履縣庭者三十年任合爵高其行懇延  
之至則先謁文廟而後與任接一洋印退任固  
留之竟不得任益敬重之家貧儉素自給未嘗  
以一菜假人人亦不敢以一私干焉其剛介廉  
直終其身如此壽八十三臨終謂諸子曰我死  
毋作佛事若能題我墓曰明故免罪前湖廣辰  
州府同知賈冕之墓則我瞑目地下矣冕其古  
狷介者

張鏜 田市里人通判慎孫成化中以歲貢除山東  
濟陽知縣有才能又廉慎好賢重學政青衿  
之士被其惠者親愛之如子之於父母知濟陽  
九年課稱第一陞濟寧知州治濟寧亦如濟陽  
卒於任兩地人士久益思之凡仕宦  
至者咸為文酌墓低回不忍去云

渭南縣志 卷之九 人物

裴慧 字悟理斐從弟生而奇穎莊重博學強記通  
督江北諸路暨南京錦衣儲權奸歛手部院交

章論薦陞本司員外郎丁父憂服闋改除戶部  
員外郎陞郎中出總大同諸路邊儲既又奉勅  
犒賞延綏諸路邊軍將士懷感已而奉命往封  
瑞昌王金弊盡卻弗內王國稱重復勅覈勘畿  
內水災且實上聞民需其惠尋陞山東布政司  
叅政總理宣府諸路邊儲有清幹聲朝論方擬  
大用遽以疾卒於官時年五十又五人甚惜之  
悟理為人篤慎老練歷官無類政  
墜各至今後輩稱為淳篤長者云

南釗 字希古田市里人生而岐嶷穎異好讀書然  
家貧能刻苦十八歲通小戴禮為文爾雅不

事雕琢提學曹公璉奇之進為學諸生景泰癸  
酉舉人天順庚辰進士授戶部主事陞員外郎  
中尋陞河南布政司叅政釗美髯修體性嚴毅  
而守廉介居官終始入不能干以私第太彊直

或面折人短無少貸人多嫉毀之自在計曹出入中外廿餘年比可足國儲益邊計沮奸謀蘇民因者不避權豪不計利害即人畏不敢為避不能為者皆挺身任之當是時同年共案俱已超陟釗尚滯郎官時論為釗不平有問故於部尚書者部尚書曰遲則留為京堂矣已而有不悅釗者諧之乃遂陞河南叅政先是釗以員外監德州倉其地巡撫以事囑釗不從釗之比釗叅政河南適其人已為少宰值朝覲遂修隙罷釗歸識者惜之釗之歸也道遙田園訓子孫耕讀任合爵楊令同高釗行誼時造廬請事釗竟無一干求也居常寡言笑崇儉素且天性至孝當為進士時謁歸依親逾四年不赴銓父促之再三始行居父母喪終制足不出戶庭且好讀書雖溽暑不釋卷也以單恩進階嘉議大夫時年逾古稀高矣亡何以疾卒所著有休亭稿藏於家

南漢

字天章釗次子生而篤慧蠲繁承家學通毛氏詩為學官弟子行履端方嫻文辭弘治甲

子舉人明年會試登乙榜除署山東長山諭御東修嚴訓誨登名薦剡吏部業行取以備補風憲之缺檄方至而父參政卒生徒泣送不忍去服闋遷國子監助教廉靜敦慎大司成石公器重特甚而邃庵楊公時為太宰會京衛武學缺教授學弟子皆蟬貂貴介司教者難其人於是奏移漢往署之武林翕然改觀第守正不阿會禮漢白謂胄監官獨長揖不拜主事怒諧之部尚書部尚書額之助教三年例得與選臺省會部尚書為太宰遂遷漢蘇州通判至則嚴門禁杜苞苴凡利當興弊當革者不避艱險不憚煩勞殫心竭力為之積勞三年以疾卒吳士庶莫不德而哀之漢弟諸生山者博學能文又善舉子業嘉靖壬午闈中已擬為省元矣比末場山疾弗竟事漁石唐公素器山聞而嘆息者久之

後竟以... 京師命也...

張羽 字子漸 津人 進士 授刑部主事 中書勳權 當道 額有

不悅者會大祭致仕歸家 居廬濱渭 乙卯 後水數東 徙羽置別巷與眾共遷 是人咸德羽之能血憐

張世威 字廷重 西王里人 讀經史以清操自 採有坐贓敗者

世威獨以廉全 尋採銓部有縣令當左遷用幣 於世威求判郡 世威固辭曰先生作官由吏邪 吏欺人耳故人稱為張清吏云嘉靖中授夏縣 丞間攝夏及榮河事以清直聞尋遷鎮西衛經 歷以憂歸歸數歲夏人為立頌德焉當在鎮 西時參將與尚嵐守相構 了毆守因却庫

渭南縣志 卷之九 人物 二五

監司命世威訊其獄監司欲奪其 幾激變世威白令參將白 散而參將竟奪 墮若不勝衣及 居家友愛處鄉黨謙 厚有容亦奇男

朱 字徵庸 西 八 重言篤志 邑合時 廟享宮 地以 阿邑以 大有服詞未

邑合時 廟享宮 地以 阿邑以 大有服詞未 者以

學愛士省費理究尚二歲郡荒非平俄以疾歸郡中為祝詞以禱神祇者以萬計竟不起惜哉擢生平孝友莅官居里無流俗脂韋態又不泛交於故舊不以貴賤異心身有升沉而厥問不殞即顯榮猶如寒素蓋敦篤君子也

### 張肅

字仲霑仁得里人性英敏善悟下帷不喜占畢率靜坐沉思得自性靈摛文必究極奧助發以雋詞往往驚人且精於理數不從師授而河圖洛書洪範皇極等書歷歷能指諸掌每督學試輒高等坐以理勝卒厥一第已而應貢敷教安化痛士習頹諄諄勉以聖學不啻餽遺杜絕間且割俸周士士依之如父母已擢令鄆都旋以憂歸再補德陽有不悅者譖調浙川需之三仕為令也率以慈惠廉潔自好且飾治以文聽訟之暇進諸生督誨之一時陶鑄多聞人當在浙川也有司於稅寺行屬禮需獨抗不少貶至稅額默為調停民不知苦且邑多羨金前

## 渭南縣志

### 卷之九 人物

令率有之需嗟視不染紫登薦剡攷三載最而左遷王官矣此其故殆莫可究詰也邑人建祠暨碑以紀永思可以觀人情矣性至孝友事繼母如母兄老之嗣即命子而翁嗣之事孀嫂懇懇然終始不替也詩稱温恭君子需無忝焉卒年七十有九

### 南學仲

字子尚參議軒長子生而氣清質秀五六齡言論風生受書輒解大義十四摛文即恥與時流伍督學于麟李公奇之進為弟子員予廩已拔置正學書院俾尚友三秦俊士每試輒居人右嘉靖辛酉舉鄉試四人明年會試不第隨父參議縱觀金陵之勝學益進萬曆庚辰凡六上春官竟不第授驛選人授懷慶通判主督賦稅兼理巡河鹺法緝盜至則定約束前故習已而郡無逋負盜咸畏法遁而鹺法河道一稱典幹焉若捐兌運之美緩御貴介之請耗發温令之姦狀皆人所難者當是時賢聲動兩河而温令之黨且共為蜚語點灼幸六被薦劾



竟不墮厥問無何考績北上以疾終都門比櫬  
出懷州懷人士哭聲塞衢亦足覘生平矣學仲  
文爾雅詩宗韋柳書  
法逼鍾王不具述

### 南憲仲

字子章參議軒次子生而體修才敏稍長  
卽傳習古文辭工聲律隆慶庚午奉於鄉

萬曆甲戌成進士授棗強令至卽著親民近規  
章程悉備又條陳興革大者十事見之施行邑  
城卑薄往流寇闖入城陷久之率事因循圯滋  
甚憲仲請於上爲劾修計民無任疲帑無費緩  
隆隆稱保障矣其他足國禪民興學表節諸種  
種悉殫力爲之至裁豪宗之橫索發黍中之隱  
盜斷武邑寧晉之疑獄又不啻境內稱利賴焉  
丙子秋兩臺檄覈邊不一月遍歷紫荆等關凡  
坵埃增修軍餉贏縮將領賢不肖悉當碩畫兩  
臺論定功罪咸以棗強爲的無何又充武場役  
所錄文多出其手坐此形神俱損猶力疾入覲  
旣還躬躬勵精上官日且還委疾漸劇及革神

## 渭南縣志

### 卷之九 人物

二十五

凝弗亂獨致恨於君親之未報遂奄然而逝生  
平敦篤道義與人交在砥礪名節劾忠告之益  
且性豪度坦望之藹然至執法凜行屹不可犯  
居三年薦書凡八上比終獨琴書數種使假之  
年其樹立又曷可勝道也棗強人如失怙恃肯  
像崇報四十年俎豆如一日比樞歸渭人悼勵  
如棗強也所著廣川集親民近規文章經濟  
卷可睹後以子居益累贈通奉大夫山西布政

今祀鄉賢祠

### 秦鄰晉

字汝睦西關里人萬曆壬午舉人丙戌進  
士是年丁父艱服除授刑部主事陞員外郎

卽戶部卽中順德知府調真定陞四川副使  
卽署出守皆恩逮父母諱恩錫志中至是乞  
養家居數年而母棄養前闕服以病卒鄰晉  
性謹飭諸生時貧甚下惟能刻苦期在必售  
草書直逼晉人爲比部多所平反民以不冤  
曾出納惟允輿論歸之議調銓部不果已而

順德廉明慈惠令聞茂宜當塗喜其才幹移牛  
真定鄰晉治真定壹如順德至今兩地尸祝不  
替當赴蜀時鄉板輿以往而母繫戀桑梓泣涕  
思歸竟以終養得請承歡者以萬端兩尊人喪  
哀毀幾不自勝處鄉里和而有禮人多就之當  
其時立山孫公為太宰謂鄰晉孝可風世業擬  
推京卿而計至矣孫公歎息者久之若鄰晉者  
可謂謙謙君子矣使天假

之年其豎立寧有量耶

孫琚字成玉京兆一正子七歲穎異不凡稍長屬

薦鄉書借計南宮伏闕乞父贈卹天子憫之予  
祭葬乙未成進士是年簡育侍從業上取各額  
於數不果已授東光令明德慎罰興利祛蠹諄  
諄問民疾苦而卵翼之亡何優調翼城翼城民  
疲俗悍難倍東光琚振啟維風均徭薄賦慈愛  
有加三年報最恩逮所生旋擢主水部政東光  
建祠肖像崇報典焉在水部職司建葺一時勵

渭南縣志

卷之九

人物

二十六

勤勞午取慎出納革積蠹區分竿量遂致精神  
勞瘁奄忽不起聞者惜之叔温然如王一切紛  
華事略不動念事適母郭淑人備極孝養於弟  
玻怡怡然友愛勤渠至處鄰里風黨又懇懇然  
周卹篤厚也迄今言之靡不  
感念不忘云今祀鄉賢祠

侯于魯

字子建號建菴西關里人父遭閹牆之變  
避居酒西坊里遂家焉魯生而英敏蚤失

恃家貧年十九方入小學三年而泮遊又二年  
食縣官廩至三十二而領鄉薦七名魯下帷攻  
苦日記萬言工小楷落筆如風雨入棘闈不借  
明於燭炬而篇中不塗落一字主司異之數上  
公車不第乃以副榜第一人署諭蠡吾其教蠡  
士壹以生平勤苦法為程蠡之科第彬彬自魯  
始也後令太平太平民醇而朴有陶唐遺風魯  
稍稍藻續之都雅變而文明邑之南有汾陽坡  
荒榛林莽行人望為畏途魯捐俸金建清儲鎮  
豐田比數萬畝人士輻輳漸成樂土迄今稱侯

家庄魯實心實政不傍人門戶三載績最贈父如其官母李繼母張妻朱俱贈孺人繼室李封孺人尋陞保德知州魯曰吾以恩綸榮及先人於願足矣車塵馬足間非吾事也竟掛冠歸里當事者慰留再四不能挽去之日行李蕭然魯處之泊如也避俗鄉居僕馬不設邑令時就訪於廬攀帶周旋而已一二老友談釋元話桑麻一切戶外事不聞不見庶幾五柳先生之風焉屢進階中順大夫壽九十有四

張誼

字對原零陽里人生有異兆地坂之變夢白衣大士兩手捧其屋比覺餘房壁盡圯獨此屋卓立如故後中式乙酉鄉試山西太平令以執法忤上官竟解印綬歸鄉里部院挽留不就居林下一裘一葛晏如也誼居心平恕忤我者置不與較而人有冤抑曲為伸理深心性命之學靜中得悟預知大還之期若誼者可謂篤敦君子矣

渭南縣志

卷之九 人物

郭儵

字子高進士俊胞弟兄弟相戒丙夜勤讀未州聰察縝密而出以寬厚遺愛久而不替其居鄉也每有不可一世之意謝絕交遊願養天真挾楞嚴之密藏探南華之奧旨詩律宗六朝及少陵學海文瀾得之功力而不以文學自見也

霍珍

字奇夫閔村里人向學勤苦不倦髫年精其暗中窺日即老師宿儒弗逮也以親老頽首廣文筮仕交城卓有令名迄今頌霍先生不去口尋陞永和知縣永和殘破之區事事棘手珍亦倦於整頓竟投牒歸里逍遙林下者數年珍仁孝夙成淡泊雅志秉心可對神明飭行每羞奔競好古垂老不厭守貞終身不易古稱篤雅君子庶幾近之

耿仰

字還初津賢里人開爽軒豁皎然塵壺之外精研舉子業英年拔貢益復下帷攻苦文社

子丙寅增廣生

中推為祭酒以親老謁選永清令永清密邇神京期月循聲達於輦下第清正之品多與中貴人不協竟以蜚語左遷泰安卒薦贖方升而疾作不可起矣

**盧崇雅**

字子淳臨渭里人昂然至立雙日爛爛甫弱冠李本寧先生督關中學拔充博士弟子員七試鄉闈不售以積廩入成均隨陳授滁

州判官是時滁守海陽孫公政尚苛急難濟之以寬滁人以安視滁象值歲饑捐俸勸輸全活甚眾職司糧務雅出納惟允錦廣武三衛士卒咸德之以不阿上官左遷代府審理正滁民修生祠尸祝之歸里杜門卻掃手一編

**朱珣**

字爰度知府擢從孫歲貢可嗣次子珣具穎資隨父起數齡時口授詩書輒成誦稍長

不煩督課而勤渠伊吾丙夜不息制義本六經不襲人套語集六經類語有禪後學以兵燹散

渭南縣志

卷之九

人物

二十八

落為孝廉十年不第後應南宮試以本房二卷中式授直隸大名府推官靖大愍決大獄浹旬案牘一清僮李逆陷城罷歸再補浙江嘉興府仍前職二暨纏糾不能赴杜門却掃謝戶外事不與聞日讀古人書隨筆其節目積案盈笥字字謹飭天性然也生平容物蓄象廉靜寡欲父年幾九旬承歡膝下慕若孺子友兄愛弟課子以文行嚴禁家僕門徑肅清家徒四壁若罔聞也卒年五十有八優於才而齋於遇君子惜之

**張洪具**

字備我棠村里人諸生而紀子也幼從其父受讀嘗語同列曰宋相寇公吾里中先

賢我輩立志不可不以寇公自期待年十五補邑弟子員十八歲試冠一軍遂廩於庠十八棘闈數奇不售兩中副車崇禎癸酉始舉於鄉明年會試又登乙榜即授河南偃師教諭乃慨然以扶植名教為任訓誨生徒勤於道義數年偃人文聿興士林改觀當道交獎譽之陞溫江知

縣抵任值流寇變見邑城甲薄卽鳩工增築登  
以磚石工甫竣賊果薄城下洪具率民守禦登  
陣指揮賊日夜攻不已時同鄉郃陽縣解木匠  
二十人寓城內皆勇且力洪具諭以大義各持  
巨槌巡陣奮擊賊乃退城得不陷温人慶更生  
邑紳劉養祚有詩云么麼馳至如風雨我侯下  
車倡義舉空城據守不倩兵孤身血戰誰敢比  
西南襟喉係湔江得公牽制賊披靡身不卸甲  
食不克獲出一生於九死君不見望風遠遁伊  
何人此功端不亞張許亡何以父喪歸温民皆  
泣以送如失慈母焉洪具蒞温未期月凡繫已  
愛民與利除害温薦紳悉播之歌謠今百餘年  
矣其長老猶  
傳頌不衰云

清孟化龍

字象震一字雨公幼聰穎就傅卽遜志年  
十二補學官弟子員食縣官餼性温克學

通博讀古今人書率皆手錄字畫不苟制藝文  
成數千韻古文詞賦能立應所著富有嘗講五

渭南縣志

卷之九 人物

二十九

經談性理諸書於卧虎山士子環而問業者甚  
衆順治乙酉鄉薦除武定州刺史至郡民禍於  
水流亡幾盡若空州然化龍移文招集甫三月  
歸者以千戶計慈愛有加撫循獨切人人歌孔  
邇焉先是有花絨一役民甚苦之曰吾何忍以  
此役累疲民遂除免央獄平恕三旬審結五百  
餘紙人莫敢以賄干內厩只畜二馬至養濟率  
出內費以代月糧雖淡泊弗恤也無何徵餉七  
千餘金親齎藩司司以前任有夙逋勒易文充  
舊額力爭之不得鬱鬱而歸抵濟陽旅次信宿  
題詩於壁云薄宦天涯愧此生家園千里夢難  
成勞心撫字催督拙無限當年卓魯情又云一  
官羈絆百愁生催檄行行說老成欲繪鄭圖閣  
萬里繭絲保障難爲情又曰無端華髮鬢邊生  
總是憂思織得成三章未終投筆於案引刀自  
絕其心始不忍卽瘡痍之民更事猷朴也時年  
四十有五武定人哭聲塞衢如失慈父母肖像  
建祠崇祀各宦數十年姐豆如一日夫自歷任

抵卒僅百日耳真感人有如此者後子登瀛叩閣陳寃而死者終不可復起矣

辛炳翰字國華下邳里人繇選貢授山東昌樂知

宣府司餉務陞河南南陽府知府轉大梁道副

使翰孝友性成能以貧養教弟壘翰食儉邑序

翰性英敏工六書弱冠而制舉之試已成鄉太

府嘉生目之曰瓊敷王潤陳督學議元曰之曰

清標至立不售於棘闈而售於廩選命也筮仕

昌樂多善政而保全孤城於慨然才識精力有

足多者肥鄉之席未温而有宣慰之擢其在宣

也所司者餉事而餉額裁汰治無事事後併司

理於餉廳始有効用之地翰治無事事後併司

全活罔誣以伯計宣人德之翰治無事事後併司

煙達於郊關抵宛值兵燹後空城荒草尚奉家

寥府治惟破屋數椽與二三古柏相對殆至郡

群才遺而撫卹之開荒田招流亡兩載聞心血

幾枯譽無踰而走遂有大梁憲副之擢抵在僑

渭南縣志

卷之九 人物

居陳留民舍日勤治河之役兼之招安撫輯殫厥心力輸三百金募編戶資易陳留始有市肆視篆藩司八月收放均平毫無染指力疾禱雨甘霖輒應兩臺贊揚不去口蓋實心為民終始以之迨廣柳西還數百里哭聲不絕龜龍之石儼然皆實政也子圻之邑庠生

張延字允綿先世河南登封人明初徙渭南之仁

增廣生授儒官子延能讀父書七歲為文垂髫

首拔黌宮於丁卯舉靈經亞魁起家為黃令位

早蝗捕驅有法不為災年荒多盜親督健卒蠲

厥渠魁調繁元弘力保孤城於垂危之際臺使

舉卓異第一晉武部從事駐防山海關與革回

籍遜元象山麓起補水部員外郎督糧道監修大工績最賜衣頂擢漳郡守而聰察清釐夙獎公道衡文欲流其人不能堪遂蜚語中之而掛文辭人卒所著有繕黃實政錄守禦

朱可符

號鴻洲西坊里人幼穎異讀書日數萬言下筆成章補邑弟子員以拔貢授上谷

別駕上谷密邇京師糧儲浩繁最難籌畫符悉心辦理上下稱便後以病免歸益淫於典籍詩

宗李杜字法鍾王晚而益工邑尚令九遷特延之纂修邑乘以補舊志之缺稱信史焉

唐印譽

字擊中號邦山居下邳鎮係仕東北里人體修神清貧而嗜學流寇之變痛父非命

手刃賊以歸衆服其孝而且勇嗣益力學工文章順治乙酉舉於鄉任山西曲沃教諭敦師範

士習以興尋陞福建平和令民邊海多故離寇方三月瘡痍未起譽下車悉治以寬未三載

惠聲彌路及解組和邑子弟如失怙恃抵里後接戚友益謙厚隨復耕田讀書不異未仕時年

六十有六歿於家鄉

渭南縣志

卷之九

人物

三十

南廷鉉

字爾玉號鼎甫大宗伯師仲孫膺順治丙戌鄉薦丁酉授廣西柳州府推官時龍城

阻聲教寄居桂林值粵圍新闢得與簾以內事所拔皆一時雋才臺使皆推藻鑑事竣奉檄閱

兵一詰而詭月尺籍坐糜軍食者悉得其實而汰之又奉檄攝昭平御例金千餘弗受又改攝

平樂給牛種以墾荒裁冗胥以均徭凡教士育民如昭平政踰年檄令隨營赴柳時粵兵驕橫

民多驚恐逃匿鉉戢兵安民流人漸集徭徭投誠者二十餘都諸生崎嶇山谷而來者九十餘

人柳俗僻遠狡獪自鉉治之囹圄一空報最爲諸郡第一越明年抵河間受事以直道事上聞

有齟齬侃侃以去留爭之不少賤入爲戶部浙江司員外郎遷禮部主客司郎中皆以廉幹聞

會蜀撫請增設四道權分巡松威道按察司僉事尋奉制撫檄攝臬憲事辭以疾不可勉力赴

成都任事不兩月而逆吳猖獗偽詔至如雨鉉不受汚偽命正衣冠攜妻女將投箸側之井賊

知不可強遂聽解組旋里後自號六如老人嘯咏芝山潛水間卒年六十有六鉉生於富貴澹泊清儉當官剛勁不可撓折善書多著述所著壽樂園集金臺王壘岷江諸集若干卷藏於家李毓英字青門酒西坊里人諸生淳然子少穎拔宮授輝縣令撫字有方催科不擾邑人德之順治元年陞兵部職方司主事旋調吏部文選司歷階本部員外郎郎中塞弊竇絕寅緣銓政因之以清轉杭州知府時海寇方熾總制以英有幹才特薦之元戎叅贊軍務海疆蕩平英籌畫有力焉後以勞勩卒論者每惜其經濟未展云

**朱英幟**

字漢城號亦菴原籍京州衛人生而穎異不與俗儕伍好讀書六經以及子史百家靡不貫徹弱冠卽工詩文補京弟子員登順治丙戌賢書授伏羌教諭謹課約崇道義越五年陞湖廣儀縣令建王蘭書院萃多士督課之丁酉登賢書者三人明年戊戌魁南宮者一人嗣

卽纂修縣志循俗順宜以施政教凡興學繕城丈田設征諸惠政卓有成績任六年以病解組偕弟姪歸原籍過渭遂卜居陽曲里以著書訓子姪爲事著亦菴詩文各四卷卒年六十有五子暉爲渭邑諸生食縣官俸中康熙乙酉副榜孫世瞻亦邑諸生子若孫俱隸渭南籍故叙英幟渭宦業傳中庶不致湮沒不傳云

**劉矩宗**

字仲旋號退菴下邳里人侍御芳仲子也生七齡卽善屬文從父侍御宦京師與伯

氏懿宗同受錢千秋學錢卽牧齋謙益高弟也每慨然曰今學士家不過志博青紫耳不十年窮經且棄性學弗講卽駢藻奚爲遂窮極六經子史及宋賢理性性諸書多所發明侍御時造西館或命酒與先生劇語伯仲間侍拱聽談及忠孝大節輒勃勃色動補弟子員與伯氏每試輒高等天啓乙丑侍御劾魏瑞左遷尋詔獄論戊矩宗侍戍所菽水隴然也迨侍御與母田孺人



相繼捐館珮執喪哀毀不茹葷不入中門者  
六載事庶母加於兩尊人存日雖在苦匪其德  
業文章名日崇稱關中二劉壬午伯氏領鄉薦  
明年逆闖躡關中有勸携家避者叱曰國家養  
士三百年吾家世効忠去將奚適條城守數事  
上邑宰悉散家產備器具募死士為周守計賊  
攻之不下矢集睥睨如蝟指顧自若賊設計誘  
降有惡少踰城輸欵城遂陷乃與伯氏縋城下  
各潛深山中賊購矩兄弟急懸較士令弗應已  
又脅伯氏出就偽職相誠無敢匿者乃挺身見  
賊令叱曰爾欲為虞世南耶兄出得尊官否則  
死矩宗曰身代兄死猶羽化耳合高其義釋之  
順治戊子舉於鄉邑人醜酒賀曰此孝弟節烈  
偉男子也吾不賀劉賀得劉耳已而寇起伯仲  
猶匿山中家悉陷伯有室暨二女赴井死矩宗  
逼賊巢數武露宿明旦收遺骸歸復罄產贖諸  
季自變亂後諸弟悉奔匿他所獨以隻身肩百  
口性命烈炎沍雪瘃裂弗為病丁酉筮仕李東

渭南縣志

卷之九

人物

三十一

甌甌故海國距省會且千里前此率屈法事姑  
息民輕犯法刑於是益濫且兵火時作逋賦莫  
可償民以此累吏吏亦自累寄棘滯牘可充棟  
慨然曰吾法吏也法吏持法則民反得生然所  
謂法者持大綱而已綱持則目舉非必繁如茶  
密如脂而後稱法也往例非州縣正官不得入  
民詞法既壞凡郡邑佐領咸入入則以意聽斷  
苞苴盛行乃慨然曰禁之自司李始非奉上檄  
不入民間隻字每檄下則召兩造庭鞫一吏抱  
案牘鵠立握彤毫片語判央摘伏如神獄成還  
之所司鈎金束矢不能纖毫入李署也直指按  
部寄耳目於矩宗讞決平反多所全活一隸犯  
法擬入賊數至五千貫矩宗曰此餒虎也斃之  
足矣必入賊非破數十中人產不辦株蔓芻極  
持不可直指怒矩宗持之益堅直指意悟曰幾  
失賢司李一墨吏恃輿接耐彈不去因白之直  
指立斥復諭曰國課至重非一罷官足了公案  
吾為汝設限如限則免否則且刑合不能辦惟

頓首求速罪則召父老諭曰合斥矣爾課不  
則爾民其與合分罪吾不貸合寧貸爾父老感  
且泣曰使君至願輸一限而徵三千金懸  
擬籍產矩宗曰此冤獄也會撫軍牒下乃單騎  
按其家其子猶手父書夜讀婦姪矣歸寧母家  
為削其籍或持不可矩宗曰即事敗誠在我比  
旋郡知其事者悉哭送境上雁山諸寺多賜產  
皆沿海斥鹵折入民間歲久塘壞盡為滄海民  
間賙無田之賦為躬勸籍其數白直指特疏請  
免永邑有錢穀積案十餘年未結吏役累死者  
數十人又有業鬻自先世而差徭不除者悉白  
直指除之嘗微服夜出見獄卒榜掠囚犯懲之  
因出其輕罪反孤貧者每嘆息曰獄無輕重止  
以不滯為德若以矜慎為留難卒使死耳其明  
敏剛決類如此秋直指聘入鄉團比撒棘得士  
八人皆浙東西知名士咸推服藻鑑之精郡長  
隸襄且三十年直指屬其事不三月報竣茅竹

壞者則郡之東注水碍於嶺乃洩而入海勢甚  
惡為築長堤捍之傍嶺置閘以時其蓄洩可數  
百年弗壞陔故脫海外而括而娶悉仄徑纏深  
菁中總制下檄焚刈之為驛路矩宗慨然親往  
相度鑿山磊石不旬月成康衢凡諸廢墜不可  
已之役悉割俸緡醵新海氛不靖懸格招徠解  
散投誠者以萬計直指上其事下部紀錄鹽御  
史亦以通商惠賈禁止蠶食國課攸賴特薦且  
會疏擬循卓第一日赴省謁各臺歸方午餉  
吏胥侍閑外聞車從呵殿聲若鉅官過者迫視  
無有急排闥則凭几如平時而息絕矣矩宗年  
纔強仕朱頰漆鬚猶少也而精英穎發目摩  
如岩下電屬吏望若神明治甌匝歲政蹟不勝  
書繪像尸祝十閭而九顧豐於才儉於用天假  
以年其德業纒綸詎可量哉矩宗於學無不  
窺所著有棣華堂稿花友社草詩文若干卷  
王光培 字霞石號弋山潛西坊里人以春秋登順  
治辛卯賢書博涉經史及百家言輒成編

邑人號以書厨云除河南彰德府涉縣合清慎  
自矢邑巖中有鉛礦獲利不償所費光培為申  
請臺司奏准勿取歲有漕儲百姓夙困亦申請  
奏免邑地層巒疊嶂民不知學四十年無登科  
者為修學宮勤督勸請經課文遂彬彬  
多文學士尋遷秦州知州數月卒於官

李元祚字錫賓號禹門張比里人修體長鬚性介  
公車不第康熙辛丑揀選推官改授福建泉州

府晉江縣令歷任七載以清明卓異紀錄四次  
陞湖廣柳州知州時尚遊叛聞祚至以兵脅之  
授偽職祚怒罵曰我世受國恩豈效汝等逆黨  
為乎賊怒將殺之有偽總兵官王姓者嘆曰此  
忠臣也士各有志合釋之而去甫到任丁母憂  
歸服闋補渾源州知州時渾大荒將一載道殣  
相望所親以地瘠民艱勸其致仕祚口不遇盤  
錯無以別利器也任朝廷官盡欲得美地天  
下有幾美缺乎此政我報國為民所也星馳赴

渾南縣志

卷之九

人物

三十五

任即上書繪圖為民請命大憲允其請發粟散  
金渾之民不至於無噍類而有子遺者祚之力  
也至今渾人猶尸祝焉

段補聖字格心張北里人早年入泮以拔貢除中  
州之榮澤合榮當衝途大兵數過邑民供

應維艱補聖懇請諸邑挾濟而榮民得免大吏  
特薦有實心實政涕泣為民之語黃河修堤採  
買柳梢有一束百錢之費補聖躬率沿河挿柳  
不數年而取之不盡民無轉輸之苦一勞永逸  
榮民修生祠尸祝比告歸攀轅卧轍號呼載道  
者三百餘里道旁觀者皆歛歎息稱道不置

卒年七十有二

孟素字淡若居卜却鎮係仕東北里人賦性仁厚  
讀書勤敏康熙元年以拔貢授湖廣黃陂縣

令居官廉慈尚德緩刑歲歉民多抗賦素升座  
大痛民皆感泣爭輸又以民賠累冗行詳請裁

華至再至三獲戾不辭一時有召杜之頌年三十七歿於任黃民若喪考妣柩旋泣送境外今崇祀黃邑名宦亦可謂賢人君子不愧學古入官者與

薛兆潛字爾昭渠泉里人少讀書於豐原之麓境以恩貢授湖廣衡陽令衡邑環山襟河民苦巨浪衝决兆潛甫蒞任即繪圖詳請發帑堵禦未期年而水患浸殺民歌盈寧感深俎豆不祧之恩焉今衡人過渭者思其德澤猶行拜其墓低徊留之不能去云

劉惠宗字致菴號迪公下邳里人侍御芳第六子少孤師事伯兄懿宗甫就學授四書毛詩目過輒成誦十歲能屬文理明辭達弱冠授貢入太學交遊四方知名士莫不愛其文辭喜其談論重其慷慨直亮癸卯中鄉試亞魁五上公車不遇壬戌除奉天錦縣令甫蒞任會括牧地

錦民田當沒者數千頃老弱雲集環泣力為申請得免錦地多皇莊王屯莊頭率剛強難御惠接之以禮待之以誠或與民爭訟雖委曲必直其狀平其心歲餘皆感服敬重愛戴倍與情錦民皆招徠之衆愚而犷悍暗訟成風惠創建鄉約二所設約正副朔望集父老子弟宣講

聖諭

又設立義學二區延名師教育風俗丕變彬彬

多文學二治錦二載大批以撫養旗民廣興教化為本甲子丁母艱去之日百姓遮道三十里奉杯酒流涕不忍舍服闋候補撫軍于公成龍聞其賢能召與語大奇之會通州佐缺特疏薦之已巳大同宣府大饑于公選賢能有司分地往賑之意分則鵠鶚僅長安嶺及至鎮嚴寒大雪凍餒待斃者十之二三時帑金未下乃曰待金至必多饑而死者矣遂貸數百金先召東餒甚者分給之持籍按驗多假冒更名弊惠召集諸冒替者諭之曰

皇上隆恩賑饑非繼富也爾等實非饑者何忍濫叨

此金為勸以天理人情戒以王法律令於是  
爭去其籍者兩鎮饑民得均沾實惠賴以全活  
者數萬餘人事竣復安賑三河饑如兩鎮法尋  
委署樂亭縣凡設施一如治錦焉大中丞甚器  
重之已登薦刻而惠以勞勤致疾不可起矣卒  
年六十有一惠宗器識深沈抱負不凡識者咸  
以大用期之而晚於  
時命未竟所學惜哉

### 王長年

字平侯韓馬里人性仁厚好讀書不問戶  
外事登順治甲午賢書康熙庚戌成進士

己未授直隸曲周縣令革除火耗嚴節保甲盜  
不入境案無留牘每月聚修士課文署內自備  
碾磴凡一切蔬薪等物不累行戶越二年辛酉  
大饑捐俸煮粥全活甚衆明年修漳滏二閘引  
水灌田至今曲民無旱災患宰曲七載化醇俗  
美人文丕振士庶建立生祠歲時享祀焉尋以  
祖緝憂歸戊辰服闋補河南內鄉令開墾荒地  
五千餘畝民皆利賴之庚午同考所得皆知名

士是年欽取陞戶部福建清吏司主事及解組  
兩袖清風家蓄雜糧二百餘石以壬申西鳳之  
饑盡給親族不復留子嗣義秉鐸膚  
施孫枝繁行僉稱清白吏子孫云

### 孫士傑

字長人號南月慶寺里人明少宰弘後裔  
也生而岐嶷不與群兒伍少孤母趙孺人

晝荻以教夜則篝燈紡績士傑焚膏不繼坐母  
側手爨以書以讀弗夜分弗就寢也比弱冠遂博  
通經史諸子嘗念隱約無窮時不能承菽水歡  
赴寧夏記室總領賴公幕郝太守斌為郡俸日  
廛之西館學益遂肥水許公孫奎督學關中補  
弟子員迨錄科冠軍得與選拔貢入成均歲丁  
卯領順天鄉薦己丑謁銓部授廣東茂名縣抵  
任初謁先師見廟貌傾圮剝落卽儲材鳩工  
撤其舊而新之萃師濡行釋菜禮告落成廟前  
有泉湧出高州郡守碑之曰文泉復為詩歌以  
紀其事今詳茂名志復購置祭器樂器選樂舞  
生八十八人請於學使者各給衣頂復其身自

會城延樂師俾其教習以襄祭事百年廢典一旦振舉焉既於文廟西偏建近聖書院分界行臺側建敦仁書院梅棗古墟建觀瀾書院俱撰置學田以資膏火敦禮名師以司訓迪復月課親校鼓勵之邑後秀子弟皆知學士風丕變辛卯分校鄉闈錄拔百粵知名士十一人癸巳粵四郡大饑道殣相望置義塚瘞骸埋骨設廠煮粥饑民賴全活者數萬人甲午春瘟疫流行訪名醫購奇方分行施濟邑民獲痊愈者又萬餘人嗣建庵堂延住持僧合春秋主祭荒疫死無祀者與邑屬鄉屬壇同檢邑乘多所闕略纂續數卷以繼前編俾將來有所考據著樂舞兩說折衷精詳發前人所未發歲丁酉三月已奉俞旨行取尋以疾卒於官署茂人如失慈母咸悼惜之士僕身修長貌魁梧胸襟爽豁不隨人俯仰性孝友事母趙孺人先意承志每奉慈訓幾徹無逆怠母病衣不解帶目不交睫者凡兩越月比歿疏食水飲者三載足不踰內閭者幾十年

渭南縣志

卷之九 人物

真加人一等矣後每遇誕忌涕泣哀號終身如一日事季父之藹若嚴父待弟士信友愛視諸姪若子從無私蓄四世同爨內外無間言至於蒞治臨民處事明決有不侮寡不畏疆禦之操遇不孝不悌姦宄盜淫輩卽痛懲不少貸一應贖牒躬自裁決從不假手於人凡事祇以大理良心四字自勗事有鑿柄輒嘆曰吾盡吾心而已他遑恤焉士傑博通古今司邑文獻者數十年所著有月圓文集象山詩草嶺南雜咏茂各志藏於家

印天英

字千一號象屏杜化里人幼聰穎冠童子

令汝素苦水患英開河渠鑿溝洫永患浸息民盡樂業尋陞兵部督捕主政督捕專任旗逃矜恤得宜入旗有子廷尉之頌會南新倉缺員奉差督理出納惟允嗣以會計得當出監江西額關稅裕國通商額課無缺限滿以內外艱回籍服劉補刑部福建司主政轉山東清吏員外郎

正已率屬期年風化大行悼祭儀荒略刊刻  
典瀕行闔郡創建荆南書院購田百畝以為備  
贖膏火資於北城內置草房數十間令窮民無  
依者夜宿焉江陵縣之稀柳灣監利縣之潘家  
蓬並諸俾瑞月堤被水衝夾即請發倉米復自  
捐三百金片被災者悉賑給之歲壬寅以疾卒  
於官荆人思其遺澤崇祀名宦祠殆所謂沒世  
者與

甯恒 字久也號貞菴杜化里人明經天壯子性穎  
異稟父訓於庭精研性理經史與諸名宿會  
謀目構七菘弱冠拔冠童子軍踰歲科試前列  
補增廣歲丁卯舉春秋經魁嗣值秦饑赴楚謀  
貸以供膳養華陰簡令廷佐以為堪繼季路之  
孝云庚辰成進士出宰江南績溪甫下車訪知  
劇盜張官生為一郡疾苦之最蒞土者咸畏其  
黨眾不敢捕憤然曰不除大害何以安民懸重

渭南縣志

卷之九

人物

賞緝斃之閤郡以寧建華陽書院躬詣講課修  
大成殿門建尊經閣人文丕變辛卯同考南闈  
所得皆知名士又同考武闈羅致不群績溪處  
萬山中衆水衝沒農夫重困恒惻然捐貲千金  
以築長堤康熙五十五年又以水災告力詳請  
撥鄰邑銀穀措賑全活無算歿之日邑紳士父  
老咸悲悼如失慈父今與蘇頴濱並祀頴其額  
曰蘇雷二公祠所著有南遊草綱鑑輯要藏於  
家

王之圭

字子六陽曲里人少習舉子業屢試不售

值水災後境內多盜民甚苦之圭抵任夜則率  
部役密緝而隻身親伏扼要截擒群盜懼秦人  
強勇悉聞風遁民獲安堵無何值吳道之變藩  
憲以圭有才幹委解軍需器物赴線湖江軍前  
支散事竣未及歸鎮又委解兵米一萬赴荆  
州軍前支之